


湖廣通志

流寓

七十三

內閣文庫	
番號	漢 14208
冊數	100 (69)
函號	史 130 1





通志卷之七十二

流寓志

楚為魚稻之鄉

以山水清曠是以四方之客問

攬勝卜居著錄

後先相望焉夫莊鳥鼓琴王粲

賦他鄉吾土之感誰實忘之然而開筵鋤茅願結方

鄰或依師友或長子孫無論寓公遷客才子逸民倘

稅駕於斯土而能表見於當世者其姓名行誼採不

識之寧敢畧與

武昌府

漢東方朔前漢書列傳字曼倩平原厭次人興國舊志

載東方山其遊寓地

馬武後漢書列傳字子張南陽湖陽人少時避讎客居江夏王莽末竟陵西陽三老起兵於郡界武往從之後入綠林中遂與漢軍合更始立以武爲侍郎後歸世祖以功爲侍中騎都尉封山都侯

禰衡後漢書列傳字正平原般人少有才辯而氣尚剛傲好矯時慢物孔融愛其才數稱述於曹操操欲見之而衡素相輕疾自稱狂病不肯往而數有恣言操懷忿以其才名不欲之遣送劉表表及荊州士大夫甚賓禮之後復侮慢衣表恥不能容以江夏太守黃祖性急故送衡於祖祖長子射爲章陵太守尤善衡射時大會賓客人有獻鸚鵡者射舉卮於衡曰願先生賦之

衡攬筆而作文無加點辭采甚麗後黃祖大會賓客而衡言不遜祖大怒欲加筆衡乃大罵祖遂令殺之

晉戴仲若譙郡人水經注黃鵠山林澗甚美仲若野服居之

戴淵晉書戴若思傳廣陵人名犯高祖廟諱王敦舉兵若思與諸軍攻石頭王師敗績若思率麾下百餘人赴宮受詔與公卿百官於石頭見敦敦問若思曰吾此舉動天下以爲如何若思曰見形者謂之逆體誠者謂之忠敦笑曰卿可謂能言敦叅軍呂猗說敦殺之遂遇害舊通志云若思葬武昌古有昌樂院戴淵作記今廢車應晉書列傳字武子南平人桓溫引爲主簿遷征西

長史應善於賞會當時每有盛坐而應不在皆曰無車
公不樂謝安遊集之日輒開筵待之累官至吏部尚書
舊志云應避亂武昌隱居洪道鄉中卒葬焉今車湖以
應得名也

王隱晉書列傳字處叔陳郡陳人博學多聞受父銓遺
業西都舊事多所諳究家貧無資乃依征西將軍庾亮
於武昌亮供其紙筆晉書成詣闕上之

陶潛晉書列傳字淵明大司馬侃之孫少懷高尚後爲
彭澤令不能五斗米折腰解印去舊志云潛潯陽人潯
陽晉屬武昌故有宅嘗往來其間

唐元結唐書列傳後魏常山王遵十五代孫天寶十二
載舉進士會天下亂沉浮人間國子司業蕪源明見肅
宗問天下士薦結可用乃上時議三篇擢右金吾兵曹
叅軍代宗立固辭丐侍親歸樊上投著作郎益著書作
自釋曰河南元氏望也結元子名也次山結字也少居
商餘山著元子十篇故以元子爲稱天下兵興逃亂入
猗玕沮始稱猗玕子後居灤濱乃自稱浪士及有官人
以爲浪者亦漫爲官乎呼爲漫郎既客樊上漫遂顯樊
左右皆漁者少長相戲更曰聱叟詳見道州名宦
張志和唐書列傳字子同婺州金華人十六擢明經以
策干肅宗命待詔翰林授左金吾衛錄事叅軍後坐事
貶南浦尉會赦還以親既喪不復仕居江湖自稱烟波


釣徒著元正子亦以自號每垂釣不設餌志不在魚也
帝嘗賜奴婢各一志和配為夫婦號漁童樵青陸羽嘗
問孰為往來者對曰太虛為室明月為燭與四海諸公
共處未嘗少別也舊傳道士泐磯有其釣臺遺趾按志
和西塞山漁父詞乃湖州之西塞非大冶也然志和曾
遊湖湘或一過焉

高驤威武王孫兄駢為西川節度使驤往見之歎曰三
世為將道家所忌遂遯去客江漢間愛崇陽山水卜居
之築愚溪引客賦詩因號愚翁後荆南高季興過其亭
命圖驤像於亭中郡志

胡曾全唐詩小傳曾寶慶邵陽之永成鄉人咸通中舉
進士不第嘗為漢南從事有安定集十卷詠史詩三卷
避亂於武昌

楊益字筠松唐末進士善堪輿術避黃巢之亂至永興
縣三載土人至今相傳有十八鈴地舊通志

宋馮商邵氏見聞錄字式之一名式本宜州隴水人寓
咸寧金城鄉為著作郎壯歲無子至京師買一妾問所
自來滄泣不言固問之乃曰吾父居官因綱運折鬻妾
賠償耳商惻然送還不索原值歸以告妻妻曰君用心
如此陰德厚矣何患無子居數月妻有娠將誕里人夢
鼓吹喧填送狀元至馮家即京也京初就家塾商取書
筆之曰荆南節度判官馮京書宋殿元例授是職卒如



其言後以子貴累封至宣徽南院使太子少師

王齊萬西蜀秀才寓居武昌縣劉郎洑蘇軾贈詩曰傾
家取樂不論命散盡黃金如轉燭惟餘舊書一百車方
舟載入荆江曲江上書山亦何有五湖遙望劉郎洑舊
通志

范純粹宋史范仲淹傳其先邠州人後徙蘓州吳縣子
純粹字德儒以廕遷至贊善大夫紹聖中以元祐黨人
奪職知均州徽宗立復故職加龍圖閣學士知永興軍
尋以言者落職謫常州別駕鄂州安置

李綱宋史列傳邵武人建炎初罷爲觀文殿大學士提
舉洞霄宮會陳東言黃潛善汪伯彥不可任綱不可去
後有旨綱落職居鄂州

謝枋得宋史列傳字君直信州弋陽人寶祐中舉進士
除教授建寧府考試建康擿賈似道政事爲問目坐訕
謗追兩官謫居興國軍明一統志興國州東有疊山書
院枋得寓居於此專務講授著書

張山翁宋史高應松傳山翁字君壽普州人景定三年
進士德祐元年爲荆湖宣撫司幹官鄂守張晏然議納
欵山翁以書譙讓之晏然旣降山翁被執軍前諭曰若
降不失作顯官山翁酬對不屈行省官賈思貞義之貸
不殺後居黃鵠山聚徒教授而終有南紀緇林藏雲山
相鋤等集

元丁鶴年明一統志其先西域人元末因父兄游宦寓居武昌縣之西山博學能文辭尤長於詩性耿介不混塵俗年九十終於家郡志云鶴年父宦武昌卒遂葬焉元末兵起避地定海間父墓爲賊所發母亦病死鶴年日夕憂悸絕魚酒鹽酪以自貶閱二十年道始通乃歸武昌卜地樊山窆父會淋雨鶴年拜雨中密雲不澍葬畢雨如故已而訪母墳自秋徂冬不獲忽夢母出高堂中牽衣慟哭侵晨詢隣老卽於舊所居宅西見土有陷下者起視得骸嚙血漬骨及母當中齒黑如漆驗之乃殮骨瘞洪道鄉著有丁鶴年詩集卒葬寒溪後人樹梅花以識之

歸玉崖元末隱者精形家言著名江湖明初上徹御聽

因去髮一瓢一笠遊蒲圻常趺坐上方靈鷲二寺卒葬

鳳凰山下

舊通志

〔明〕管訥姓譜名時敏洪武中楚府長史在任四十餘年以忠謹稱年七十致仕王奏留祿養終身仍賜地黃屯山所著有蚓竅集秋香百詠詩

俞或字文或錢塘人洪武中謫居興國喪母遂家焉嘗建言除佛老每施藥濟貧寓壘山數十年詩文自娛不求人知所著有壘山錄三卷無子妻死不再娶依弟以老初號心隱晚年號瓠落子有軒曰瓜軒皆自爲傳記

舊通志

揚士奇明史稿各寓以字行廬陵人早孤貧甚力學授徒自給多遊湖湘間館於江夏最久時姑蘓楊仲舉成武昌士奇偶至縣途中遇雨憩仲舉家見其方爲童子句讀與談有契士奇故善易遂授焉仲舉卽讓館與之自教授於他所終受其業後士奇入相乃相薦引累官至尚書

牟斌 韋璽俱錦衣衛指揮正德初淮安知府劉祥忤劉瑾逮祥下獄使斌璽訊之二人明祥非罪瑾怒矯制謫斌璽沔陽衛百戶兩人徙居省城嘉靖初詔復其官而斌先卒璽得命未幾亦卒兩人皆讀書能詩

周應龍字在田江陵人寓居本省保安門蒼龍橋壽至

一百一十二巡撫董漢儒顏曰六朝人瑞以上舊通志

漢陽府

漢王常字顏卿舞陽人王莽末爲弟報仇亡命江夏已與王鳳王匡等起兵新市號下江兵戰小長安爲嚴尤所敗壁於宜秋劉縯往說之常遂決志歸漢更始立拜廷尉大將軍封鄧王建武二年詣洛陽降光武見常甚歡勞之封山桑侯累從征伐有戰功拜橫野大將軍久之屯故安拒盧芳十二年薨於屯所謚曰節侯舊通志董黯姓譜字叔達其先句章人仲舒裔孫也事母孝比鄰王寄母以黯能孝諷寄寄忌之伺黯出辱其母黯恨甚及母死斬寄首以祭母自陳於官和帝詔釋其罪且

旌異行召拜郎中不就後僑寓孝感今邑北百三十里
有黯墓

唐于鵠全唐詩小傳鵠以詩名晚唐嘗隱居漢陽作買
山吟有集三卷傳世

五代王彥章五代史列傳字子明鄆州壽張人爲梁行
營先鋒馬軍使驍勇有力能跣足履棘行百步持一鐵
鎗騎而馳突奮疾如飛軍中號王鐵鎗唐兵攻兗州末
帝召彥章使守捉東路至遞坊以兵少戰敗退保中都
又敗唐將夏魯奇舉稍刺之彥章被擒莊宗愛其驍勇
遣明宗往諭之彥章仰顧明宗呼其小字曰我豈苟活
者遂見殺舊圖經云彥章幼居孝感之九嶼山

宋程顥宋史列傳字伯淳世居中山徙河南父珦仁宗
朝爲黃陂尉顥舉進士用呂公著薦爲監察御史哲宗
立召爲宗正丞未行而卒年五十四文彥博採衆論題
其墓曰明道先生賜諡曰純公舊志云先是珦父適令
黃陂而卒珦不能還後爲黃陂尉遂家焉時顥母侯夫
人夢雙鳳投懷遂以明道元年壬申生顥明年生頤今
邑中程鄉坊望魯臺皆其生平游息處後仍歸洛中
程頤宋史列傳字正叔哲宗初司馬光呂公著共疏其
行義召見擢爲宗正殿說書郎紹聖中削籍竄涪州徽
宗卽位徙峽州俄復其官卒年七十五世稱爲伊川先
生賜諡曰正公餘詳見顥傳

吳昌裔宋史列傳字季永中江人早孤與兄泳痛自植立不肯逐時好得程頤張載朱熹諸書輒研繹不倦嘉定七年舉進士聞漢陽守黃幹得熹之學往從之

〔元〕李孟元史列傳字道復潞州上黨人徙居孝感生而敏悟侷儻有大志通貫經史遠近之士多從之至元三年拜中書平章政事同知樞密院時釋老二教設官權抗有司乃奏罷僧道官天下稱快皇慶二年仁宗賜以孝感地二十八頃入見必賜坐延佑元年復拜平章政事二年解政歸卒諡文忠

竇默元史列傳字子聲初名傑字漢卿廣平肥鄉人會國兵伐金默為所俘得脫歸其鄉轉客蔡州金主遷蔡默恐兵且至又走德安孝感令劉憲子以伊洛性理之書授之默自以為昔未嘗學而學自此始繼還肥鄉以經術教授由是知名

察罕元史列傳西域板勒紇城人博覽強記通諸國字書仁宗時累官叅知政事得大臣體暮年居孝感白雲山別墅以白雲自號嘗入見帝望見曰白雲先生來也其被寵遇如此

薩天錫姓譜幼時僑寓孝感博學能文登泰定進士知襄陽縣終燕南道廉訪司照磨

〔明〕蕭士美江西人僑居漢陽文寺山萬曆十年父沐病泄士美割股肉和粥啖之而愈

羅洪先字達夫吉水人嘉靖乙卯嘗偕王龍溪遊楚寓黃陂深山中龍溪先返獨留一小樓日夜跌坐凡五月餘自覺有省詠夜坐詩十首以貽蔣道林 以上舊志

朱英塿楚東安王四世孫初授宗正獻賊破武昌塿削髮為僧避止孝感縣諸趙鄉之李家庵及闖寇陷京師遂自縊死藁葬庵右後遷江夏 邑志

黃州府


漢周仁周平王次子汝墳侯烈十八世孫西漢時徙居黃岡繼烈封侯其後以避西晉亂復徙至周靈者起仕梁 舊通志

三國毛价魏志列傳字孝先陳留平邱人舊志云价幼子家於麻城有魏武賜价手書萬古高風四大字迄今子孫珍藏之

南北朝鮑照宋書臨川烈武王道規傳照字明遠文辭贍逸嘗為古樂府文甚道麗臨海王子頊為荊州照為前軍參軍掌書記之任舊志云照築室於黃梅今邑治基即其舊宅有讀書臺在東冲山

徐儉南史徐摛傳東海郟人長子陵最知名陵子儉一名報幼而修立勤學有志操梁元帝召為尚書金部郎中累官御史中丞舊志云隋大業間子斐授廣濟令儉隨斐到任遂留居西郊外

唐李泌唐書列傳字長源徙居京兆七歲知為文天寶



中詣闕獻復明堂九鼎議帝異其早慧召講老子有法
得待詔翰林仍供奉東宮太子遇之厚嘗賦詩譏誚楊
國忠安祿山等國忠疾之詔斥置蘄春郡

五代陳曙蜀人嘗舉進士唐末避地遯於蘄州山中鄉
人有會集或祭神曙不待召而至由是人多設虛座陳
酒肴以俟之舍中惟一榻素書數卷與蛇虎雜居雨雪
滿堂亦自若凡數十年顏鬢不少異元宗召之不肯起
後徙居鄂渚不知所終

舊通志

宋韓琦宋史列傳字稚圭相州安陽人舊志云兄瑒天
聖間守黃州琦侍兄寓居安國寺讀書白晝青燈風雨
無怠後人想其德望爲立祠於讀書處

朱服宋史列傳字行中烏程人熙寧進士元豐中爲御
史後坐與蘓軾遊貶海州團練使蘄州安置改興國軍
卒

陳慥宋史陳希亮傳其先京兆人遷晉州青神之東山
子慥字季常少時使酒好劍嘗與蘓軾遊西山馬上論
用兵及古今成敗自謂一世豪士晚棄田宅遯於光黃
間曰岐亭庵居蔬食徒步往來山中妻子奴婢皆有自
得之意人見其所著帽方屋而高因謂之方山子及蘓
軾謫黃過岐亭識之人始知爲慥云

張耒宋史列傳字文潛淮陰人弱冠第進士紹聖初坐
黨籍謫監黃州酒稅徙復州徽宗立起爲通判黃州召

為太常少卿復出知潁州汝州初未至潁聞蘓軾訃為舉哀行服言者以為言遂貶房州別駕安置於黃

陳過庭宋史列傳字賓玉山陰人中進士第宣和二年

遷御史中丞時寇竊發過庭言致寇者蔡京王黼竄二

人則寇自平又言朱勔父子本刑餘小人宜昭正典刑

以謝天下由是大與權貴忤黻陷以不舉劾之罪罷知

蘄州未半道謫海州團練副使黃州安置

孫傅宋史列傳字伯野海州人登進士第累官至中書

舍人宣和末高麗入貢使者所過調夫治舟騷然煩費

傅言索民力以妨農工而於中國無絲毫之益宰相謂

其所論同蘓軾奏貶蘄州安置

王濟開國元勳審琦十世孫封宗翊郎高宗渡江護蹕

南來保障江黃任蘄州刺使寓居富池即今廣濟

岳震父飛討李成駐兵黃梅詔進屯洪州飛以士卒非

震莫可彈壓因畱震於梅及飛死震易姓匿大河間弟

霆知震所在亦潛依焉以秦檜憎岳字改岳州為純州

遂從鄂姓孝宗卹錄徙嶺南雲雷支裔而此派不及其

後分為十三戶鄂有武穆遺金鉅一面地方有警則此

金不敲自鳴以上舊通志

文天正姓譜廬陵人天祥兄寶佑間鄉舉署廣濟學諭

天祥死棄官隱居廣濟五里橋東家世迄今儒業未艾

元龍仁夫元史劉詵傳吉安之廬陵人同郡龍仁夫字

觀復其文學與說齊名所著周易多發前儒之所未發
用薦者為江潮儒學副提舉不就明一統志至正間徙
黃州明五經為時矜式學者稱麟洲先生

洪儁姓譜饒州人忠宣公皓之裔授江州路建昌令再
授廣州路清遠令掛冠不仕攜四子二女過淮訪舊經
斷之黃梅悅山水環秀買田築室於東山子孫世家焉
明范承吉其先姑熟人學士常之後洪武初徙居蕪水
北之土門少孤廬母墓三年一日之野獲遺金數百守
之以還遺者有司以孝義匾其門

舊通志

瞿大成其先合肥人通之孫能之第三子也能副李景
隆戰靖難兵敗與長子大芳俱死成遜之黃梅遂家焉

後補成籍從征有功授都指揮得世券以奉通祀

張復字子遠休寧人蚤以學行自立不業科舉事親孝
親卒始出遊學訪黃梅瞿九思值其被逮入京長子甲
上書救父復左右之瞿得直罷歸復執贄列諸弟子盡
發其藏書讀之乃日學以治心也心念穢雜如野馬亂
絲僅擊悅夸人乎製大鞭懸座右每妄念起輒自痛鞭
或遍擊几席牀壁如是者二十年著作皆弘麗古雋其
他稿自焚不留惟黃河源流圖考盛行於世

呂四峯失其名福建諸生有文武才當試日值海寇至
啟院出四峯捍賊乃舉方丈砌石並拔檣桿以衝擊賊
船賊走四峯仍入闈終試意不可一世獨北面事西江

梁汝元由是往來主黃安吳氏家吳氏庭有老檜蠹孔九衆請四峯射手弓注矢次第畢貫又於吳氏壁奮筆大書所爲春日郊行詩淋漓飛動洎汝元死乃去

補帽匠不知何許人無家室居止嘗擔補帽具往來黃州團風間以所得值市米取擔頭小鐺作炊或煎水爲茗飲晚乃舉襍被投逆旅有書數帙暇卽閱之有琴一張遇知者亦間爲撫弄問其姓名漫云姓何字白雲後不知所終 以上舊通志

安陸府

列國左伯桃 羊角哀列士傳燕人二人爲友聞楚平

王善待士乃同入楚值雨雪山道阻絕糧少桃度不能

生乃併食與哀令往事楚而自餓死空樹中哀至楚爲

上大夫言於平王備禮以葬伯桃葬畢哀自殺舊志伯

桃墓在荆門諸里村哀祔葬

漢梅福前漢書列傳成帝時福居家以讀書養性爲事

至元始中王莽顛政福一朝棄妻子去九江至今傳以

爲仙舊志云福隱於郢中後莫知所逝

唐鄭谷姓譜字守愚宜春人七歲能詩光啟三年舉進

士乾寧間以都官郎中退居荆門馬仰山嘗寓州治南

石隱寺有白社已應無故老清江依舊遠孤城之句其

詩清婉爲辭能輩所稱賞詠鷓鴣尤工世號鄭鷓鴣

何叅夷陵人博學孝義不求聞達隱居當陽稱處士云

宋侯仲良姓譜良父道濟娶二程女良呼二程為舅氏從之遊人欲館良見其家壁垂佛像几積帛書即去之朱子嘗稱其學清白勁直舊志云仲良河南人寓居當陽匾其館曰時習

張伯常明一統志河南人隱而不仕徙居鄂州司馬光送以詩曰楚江白透迤楚山碧參差玉炊稻粒長縷切鱸魚肥

浦良能無錫人性沉靜寡言以父戍安陸自請於上官來代父役至郢拜父母畢出則戎服聽令惟謹入則烏巾綵衣弄雛膝下以娛父母忘其身之謫戍也

潘子安和州人寓沔陽工詩詞有海天清嘯集官夔州府同知 以上舊通志

胡安國宋史列傳字康侯崇安人舊志云父淵寓跡荆湖間至安國為湖南提舉學事為蔡京所惡退居當陽之漳濱後仕至寶文閣直學士

范彥暉紹興間為太府寺丞作久陰詩云何當日月明徧洗蒼生病秦檜指為謗訕諷言者謫貶荆門因家焉 舊通志

元程鉅夫元史列傳名文海避武宗廟諱以字行其先自徽州徙郢州京山後家建昌世祖時授千戶召見問賈似道何如人鉅夫條對甚悉帝大奇之命為應奉翰

林文字曰自今國家政事得失及朝臣邪正宜皆爲朕言之遷集賢直學士時相桑哥專政法令苛急四方騷動鉅夫上疏宜清尚書之政損行省之權罷言利之官行恤民之事桑哥大怒羈留京師奏請殺之帝不許大德四年遷江南湖北道肅政廉訪使至官首治行省平章家奴之爲民害者上下肅然召拜翰林學士商議中省事至大二年旱陳桑林六事忤時宰意帝遣近侍賜上尊勞之日中書集議惟卿所言甚當詔偕平章政事李孟叅知政事許師敬議行貢舉法鉅夫建言經學當主程頤朱熹傳註文章宜革唐宋宿弊命鉅夫草行之三月以病乞歸居五年而卒追封楚國公諡文憲

姚燧元史列傳字端甫樞從子任翰林學士承旨湖北提刑副使後辭老寓居潛江舊縣北建藏書樓日讀書其中有白鶴巢於上更以名樓卒葬城南

趙吉甫明一統志其先蜀人徙居玉沙與許衡友善衡至武昌有問吉甫者衡曰吉甫天姿聰俊高某一著則其人可知矣自號拙存以文學名世

吳欽仁和人舉進士爲刑部郎中訊鞫詳慎有迎駕籲寃者連引千數輩欽悉縱之嘗奉勅賑饑慶陽全活甚衆後任湖廣副使督屯奪其侵於豪右者五年增賦十萬每以病辭職貧不能歸遂家沔終焉

孔克學至聖三十五代孫元末授荆門學正寓沱潛間

工詩文有集傳世以上舊通志

〔明〕東岡生吳人亡其姓氏元末讀孫吳書事藩鎮有功明初例戍於郢居十年登覽無不至一日去省其親賣藥都城市復歸於郢嘗與唐志淳登陽春臺下瞰漢江北望襄樊慨然思得如龐德公者與之遊蓋高世之士也

李景暘自號東白其先江西人徙居京山教授後客天門魯文恪與倡和詩多警句後遊襄陽襄王愛其才厚加接遇泛舟東歸至漢江中流作詩曰好水好山行路遠秋風秋雨到家遲吟未畢墜水死

徐明善邵陽人嘗輯讀易指南以啟後學尤工詩文善

草書宣德中以明經舉本學訓導楊文貞薦知均州致仕過郢貧不能歸卒葬城東七里灣

王越字世昌潯縣人由進士累遷兵部尚書以軍功封威寧伯革爵謫戍安陸六年餘山川景物題咏頗多

曹明周宛陵人寓郢故字郢南任情疏宕口不言利名工繪事相知情洽雖竹屋茅齋於壁上作山水花鳥剪韭飲黍畱連累日視貴遊淡如也以上舊通志

德安府

〔漢〕張衡後漢書列傳字平子南陽西鄂人少善屬文通五經貫六藝作二京賦精思博會十年乃成尤致思於天文陰陽曆算永和初出爲河間相徵拜尚書郎舊志

云隨州城東乃衡寓居讀書處

南北朝陳昌陳書衡陽獻王傳字敬業高祖第六子梁太清末拜長城國世子吳興太守時年十六雅性聰辯明習政事每與高祖俱往荊州梁元帝除員外散騎常侍荊州陷又與高祖俱遷關右西魏以高祖故甚禮之高祖卽位頻遣使請高宗及昌周人許之而未遣及高祖崩乃遣之時王琳梗於中流昌未得還居於安陸王琳平後天嘉元年二月昌發自安陸由魯山濟江中流船壞以溺薨

唐李白唐書列傳字太白其先隋末以罪徙西域神龍初遁還客巴西白之生母夢長庚星因以命之明一楚

志白上裴長史書曰頃見鄉人相與大誇雲夢之事云楚有七澤遂來觀焉而許相公紹見招妻以女孫便憩跡於此移三霜焉

路審中陽平人僖宗時授黃州刺史光啟二年爲董昌所逐客遊蘄黃徙居安陸賊周通率衆劫之審中遁去舊通志

金宗敏高麗人父行成奉使來朝居久不欲歸詔授安州通判數年卒詔以宗敏補齋郎安州月給錢三緡米五斛膳之遂終身焉

范愉方城人授安州掌書記五子致君致明致虛致祥致厚皆從父居安州遂以安州籍相繼登第建五桂堂

在今府署後後致君徙於隨

諸葛覺李繁為隨刺史韓愈與之善遂送其友諸葛覺讀書於隨 以上舊通志

五代鄭建中姓譜其先雍人五代時徙居安陸貲鉅巨萬城中居人多客舍每雨過則以瓦代人補屋漏客自為屋亦為繕完又隆冬苦寒蠲舍錢盈月晚年得子紆登進士第官至祠曹侍郎紆五子長曰彌中皇祐元年進士次解皇祐五年進士第一世祿不絕


宋連舜賓姓譜徐州人歲饑出穀萬石損價糶之惠及鄰邑歐陽修表其墓舊志云字輔之其先閩人祖光裕卜葬應山因家焉少舉毛詩不第遂歸養其父不復仕

家多貲悉散賙鄉里教其二子庶庠以學曰此吾貲也歲饑出穀萬斛減價以糶鄉民皆賴之益亦感化不敢犯及卒遠近皆哭弔

王從吉彭城人真宗時坐上書訟父冤除名配隨州舊通志

歐陽修宋史列傳字永叔廬陵人游隨得唐韓愈遺藁於廢書籠中讀而心慕焉苦志探賸至忘寢食必欲并轡絕馳而追與之並舉進士試南宮第一熙寧四年以太子少卿致仕卒諡文忠

呂大防宋史列傳字微仲其先汲郡人祖通葬京兆藍田遂家焉大防進士及第元祐初拜尚書左僕射兼門



下侍郎與范純仁並位同心戮力以相王室復命以觀
文殿大學士左光祿大夫知潁昌府尋改永興軍未幾
左正言上官均論其墮壞役法右正言張商英御史周
秩劉丞相繼攻之奪學士知隨州貶秘書監居郢州徙
安州兄大忠自涓人對哲宗詢大防安否且曰執政欲
遷諸嶺南朕獨令處安陸爲朕寄聲問之大防樸直爲
人所賣三二年可復相見也

邢居實姓譜字敦夫恕之子有異才從父居隨州作南
征賦蚤天蘇軾以詩輓之曰詩至隨州更老成山川爲
助筆縱橫眼看白璧埋黃壤何況人間父子情
李褒開封人朝散郎自襄陽僉幕致仕居安陸創草堂

日以詩酒爲樂今堂基在應通廟之東舊通志

明孔僖字彥和其先自雲南永昌來居安陸嘉靖癸未
進士知浮梁縣潔身惠民積穀備賑調知雲縣未任卒
僖端謹友愛以父事兄喜周人之急有貸不能償者輒
焚其券鄉里德之舊通志

荊州府

漢馬融後漢書列傳字季長扶風茂陵人才高博洽爲
世通儒常坐高堂施絳帳前授生徒後列女樂弟子以
次相傳鮮有入其室者**明**一統志荊州城西南有絳帳
臺漢馬融教授之所

穎容後漢書列傳字子嚴陳國長平人博學多通善春

秋左氏初平中避亂荆州聚徒千餘人劉表以為武陵太守不肯起著春秋左氏條例五萬餘言建安中卒

趙岐後漢書列傳字邠卿京兆長陵人與平元年詔書徵岐會帝當還洛陽先遣衛將軍董承修理宮室岐謂承曰今海內分潰唯有荆州境廣地勝西通巴蜀南當交趾年穀獨登兵人差全岐雖迫大命猶志報國家欲自乘牛車南說劉表可使其身自將兵來衛朝廷與將軍並心同力共獎王室此安上救人之策也承即表遣岐使荆州督租糧岐至劉表即遣兵詣洛陽助修宮室軍資委輸前後不絕岐以老病遂留荆州桓典孔融上書薦之於是就拜為太常建安六年卒先自為壽藏注

壽藏冢壙也在今荆州古郢城中

士孫萌字文始年十五能屬文其父瑞初知王允必敗命萌將家屬至荆州居焉及追論誅卓之功封萌為澹

津亭侯舊通志

蜀漢李譔蜀志列傳字欽仲涪人與同縣尹默俱遊荆州從司馬徽宋忠等學譔具傳其業又從默講論五經諸子無不該覽算術卜數醫藥弓弩機械之巧皆致思焉

王粲魏志列傳字仲宣高平人徙長安左中郎將蔡邕常倒屣迎之年十七司徒辟詔除黃門侍郎以西京擾亂皆不就乃之荆州依劉表作登樓賦

尹默蜀志列傳字思潛涪人遠遊荊州從司馬德操宋仲子等受古學皆通諸經史又專精於左氏春秋自劉歆條例鄭衆等注疏咸畧誦不復按本後拜大中大夫蔡睦字子篤會稽人避亂荊州王粲與之遊作詩贈之有慨我懷慕君子所同之句舊通志

司馬芝魏志列傳字子華河內溫人少避亂荊州於魯陽山遇賊同行者皆棄老弱走芝獨坐守老母賊至以刃臨芝芝叩頭曰母老唯在諸君賊曰此孝子也殺之不義遂得免害以鹿車推載母居南方十餘年躬耕守節

杜夔魏志列傳字公良河南人以知音爲雅樂郎中平

五年疾去官以亂奔荊州荊州牧劉表令與孟暉爲漢主合雅樂樂備表欲庭觀之夔諫曰今將軍號不爲天子合樂而庭作之無乃不可乎表納其言而止

杜襲魏書列傳字子緒潁川定陵人避亂荊州劉表待以賓禮同郡繁欽數見竒於表襲喻之曰吾與子俱來者徒欲龍蟠幽藪待時鳳翔豈謂劉牧當爲撥亂之主而規長者委身哉子若見能不已非吾徒也吾其與子絕矣欽慨然曰請受命襲遂南適長沙

裴潛魏志列傳字文行河東聞喜人避亂荊州劉表待以賓禮後歸魏遷荊州刺史

徐庶字元直魏畧庶先名福本單家子初平中中州兵

起乃南客荆州與諸葛亮特相善蜀志諸葛亮傳先主在樊聞劉琮降曹率其衆南行亮與徐庶並從爲曹操所追破執庶母庶辭先主而指其心曰本欲與將軍共圖王霸之業者以此方寸之地也今已失老母方寸亂矣無益於事請從此別遂詣曹操終身不發一策

晉羅含晉書列傳字君章耒陽人爲桓溫別駕以廨舍喧擾於城西池小洲上立茅屋伐木爲材織葦爲席而居布衣蔬食晏如也杜詩庾信羅含俱有宅今其基爲承天寺

郭璞晉書列傳字景純聞喜人舊志云晉末避地夷陵今有爾雅明月二臺其東有洗墨池璞所注爾雅處

皇甫方回晉書皇甫謐傳朝那人子方回永嘉初避亂荆州閉戶閑居未嘗入城府蠶而後衣耕而後食先人後已尊賢愛物南土人士咸敬之刺史陶侃禮之甚厚每造之著素士服望門輒下而進王敦遣從弟廙代侃旣至荆州大失物情百姓叛迎杜弢廙大行誅戮以方回爲侃所敬責其不來詣已收斬之荆土莫不流涕華暢晉書華表傳平原高唐人子嶠元康三年卒所撰書十典未成而終後監繆徽奏嶠少子暢爲佐著作郎堯成十典並草魏晉紀傳永嘉喪亂經籍遺沒嶠書存者五十餘卷暢有才思所著文章數萬言遭寇亂避難荆州爲賊所害時年四十

〔南北朝〕王鎮惡〔南史列傳〕北海劇人隨叔父曜歸晉客
荊州頗讀諸子兵書喜論軍國大事騎射非長而從橫
善果斷宋武帝伐廣固人或薦之武帝召與語異焉謂
諸佐曰鎮惡王猛孫所謂將門有將卽以署前部賊曹
拒盧循有功封博陸縣五等子

宋炳〔宋書列傳〕字少文南陽涅陽人於江陵三湖立宅
閑居衡陽王義季在荊州親至炳室與之歡讌命爲咨
議叅軍不起好山水愛遠遊西涉荆巫南登衡嶽因而
結宇衡山欲懷尚平之志有疾還江陵嘆曰老疾俱至
名山恐難遍觀唯當澄懷觀道卧以遊之

劉虬〔南史列傳〕字靈預南陽涅陽人徙居江陵宋泰始
中仕至晉平王驃騎記室當陽令罷官歸家靜處齊建
元初豫章王嶷爲荊州牧辟虬爲別駕不應命永明三
年刺史廬陵王子卿表虬及同郡宗測等五人請加蒲
車束帛之命詔徵爲通直郎不就以江陵西沙洲去人
遠乃徙居之建武二年冬虬病正晝有白雲徘徊簷戶
之內又有香氣及磬聲其日卒年五十八

庾易〔南史列傳〕字幼簡新野人徙居江陵志性恬靜不
交外物齊臨川王映臨州表薦之餉麥百斛辭不受以
文義自樂建武三年詔徵爲司空主簿不就

宗如周愨之後事陳宣帝歷度支尚書後高荊州子顏
子希華博通墳典爲楚儒宗 舊通志

岑善方姓譜棘陽人清慎有器局博通經史仕後梁爲吏部尚書更家江陵

解仲恭僑居南郡家行敦睦得織毫財利輒與兄弟平分母病經時不差入山採藥遇一老父日得丁公藤當立愈忽然不見仲恭如其言得之治母病卽差至今江陵人猶有識此藤者舊通志

徐儉姓譜陵子梁太清初起家行參軍侯景亂避江陵詳見黃州流寓

唐李遜舊唐書列傳字友道世寓於荊州之石首遜登進士第辟襄陽掌書記累官至刑部尚書長慶三年卒遜幼孤寓居江陵與其弟建皆安貧苦易衣併食講習不倦遜兄造知二弟賢日爲營丐成其志業兄弟同致休顯士君子多之

李建舊唐書李遜傳建字杓直家素清貧無舊業與兄造遜於荆南躬耕致養嗜學力文舉進士選授秘書省校書郎德宗聞其名用爲右拾遺翰林學士累官禮部侍郎改刑部建各位雖顯以廉儉自處家不理垣屋士友推之

杜甫舊唐書列傳字子美本襄陽人後徙河南鞏縣天寶末授京兆府兵曹參軍累官工部員外郎永泰元年蜀中大亂甫以其家避亂荆楚扁舟下峽未維舟而江陵亂乃泝沿湘流遊衡山寓居耒陽杜詩年譜大曆

三年戊申正月去夔出峽至江陵秋移居公安冬晚之
岳州

田游巖唐書列傳京兆三原人永徽時補太學生罷歸
入太白山母及妻皆有方外志與其棲遲山水間自蜀
歷荆楚愛夷陵青溪止廬其側

五代梁震明一統志蜀人唐末進士寓江陵高季興欲
署判官震恥之終身不受辟署止稱前進士自號荆臺
隱士


宋田偉賈輿記燕人為江陵尉因家焉作博古堂藏書
五萬七千卷黃庭堅曰吾校中祕及遍遊江南圖書之
富未有過田氏者

張商英新津人仕為御史裡行以言事出監荆南鹽商
稅又忤蔡京安置歸州尋移陝州 舊通志

劉安世宋史列傳字器之魏人哲宗朝為右正言常論
蔡確章惇等妄要定策之罪及惇人相落職謫嶺外徽
宗朝復職復貶夷陵

元謝端元史列傳字敬德蜀之遂寧人宋末蜀士多避
兵江陵因家焉端幼穎異五六歲能吟詩十歲能作賦
弱冠與尚書宋本同師明性理為古文又同教授江陵
城中以文學齊名時號謝宋

杜敏明一統志漢嘉人其祖因避亂自蜀至公安因家
焉兄弟六人好學不倦俱以儒業顯敏仕為著作郎



何廷蘭明一統志其先鳳翔人徙居公安踐登臺省三十餘年繼忠陳善秉節不阿

宋本元史列傳字誠夫大都人嘗從父正官江陵江陵王奎文明性命義理之學本往質所得造詣日深善爲古文辭峭潔刻厲多微辭年四十始還燕

明單達石門人徙枝江爲陳友諒萬戶甲辰歸附除荊州衛副千戶洪武十二年調征四川黃坪寇陣亡以忠勇功賜塋葬於大溪坪後裔遂以爲家

舊通志

喻鏞永樂壬午由經明行修在石首訓與諸生講說務推明大義課藝有程度凡所造就者咸名著於時以疾卒於任遂家焉

蔣杰字美若貴州人萬曆己酉進士官太守僑居江陵之沙市琴書肅傲時往來於田峻禪那間詩文千百言一揮而就書法與董其昌黃輝齊名至今爭相寶重

鶯池生姓宋名登春字應元趙郡新河人初自號海翁晚居江陵之天鶯池更號鶯池生性嗜酒工詩善繪事嘗登邽王粲樓曰此昔賢所寓吾可稍憩矣州守徐守謨聞其高物色之再至始見取酒共飲而罷後二十餘年徐家居生從新河往訪已七十餘居數月辭去日當尋死所遂蹈海死

以上舊通志

襄陽府

漢趙康字叔盛南陽人隱於武當山清靜不仕以經傳

教授時同鄉朱穆爲侍御史年五十猶奉書稱弟子舊通志

黃憲後漢書列傳字叔度汝南慎陽人舊志云憲訪王逸卒於宜城因葬焉

杜根後漢書列傳字伯堅潁川定陵人性方實好絞直永初元年舉孝廉爲郎中時和熹鄧后臨朝權在外戚根以安帝年長宜親政事乃上書直諫太后大怒收執根等令盛以縑囊於殿上撲殺之執法者以根知名私語行事人使不加力旣而載出城根得蘓太后使人檢視根遂詐死因得逃竄爲宜城山中酒家保積十五年酒家知其賢厚敬待之及鄧氏誅左右皆言根等之忠帝謂根已死乃下詔布告天下錄其子孫根方歸鄉里徵詣公車拜侍御史或謂根曰往者遇禍天下同義知故不少何至自苦如此根曰周旋民間非絕跡之處邂逅發露禍及知親故不爲也

晉柳卓南史柳元景傳字孝仁河東解人曾祖卓自本郡遷於襄陽官至汝南太守

南北朝蕭統梁書昭明太子傳字德施武帝長子以齊中興元年九月生於襄陽明一統志襄陽有文選樓在府治西梁昭明太子所建聚賢士劉孝威庾肩吾等十餘人號曰高齋學士著文選於此

薛澄北史列傳字景猷河東汾陰人曾祖弘敞逢赫連

之亂率宗人避地襄陽愷早喪父家貧躬耕以養祖母有暇則覽文籍疎岩不拘時人未之奇也江表取人多以世族愷世無貴仕既羈旅不被擢用常鬱鬱不得志負才使氣未嘗趨世祿之門左中郎將京兆韋潛度謂曰君門地非下身材不劣何不製裾數參吏部愷曰世胄躡高位英俊沉下寮古人以為嘆息竊所未能也孝昌中杖策還洛陽

唐劉晏唐書列傳字士安曹州南華人安祿山亂避地襄陽永王璘署晏右職固辭

甄逢唐書甄濟傳定州無極人天寶中來瑱辟為陝西襄陽叅謀拜禮部員外郎宜城楚昭王廟墁地廣九十畝濟立墅其左瑱死屏居七年大曆初卒子憲臺更名逢幼而孤及長耕宜城野自力讀書不謁州縣歲饑節用以給親里大穰則振其餘於鄉黨貧狹者朋友有緩急輒出家貲周贍以義聞

錢徽舊唐書列傳字蔚章吳郡人父起天寶十年登進士第位終尚書郎徽貞元初進士擢第累官拜尚書左丞授吏部尚書致仕明一統志徽第進士居穀城觀察使樊澤表署掌書記

五代郭昱顯德中舉進士上書於宰相趙普詔署襄州觀察推官潘美鎮襄陽辟為幕僚雍熙中流寓襄樊舊通志

宋胡旦宋史列傳字周父濱州渤海人少有雋才博學能文辭舉進士第一咸平中通判襄州已而失明以祕書省少監致仕居襄州喜讀書既喪明猶令人誦經史隱几聽之不少輟既死子孫貧甚寓柩民間皇祐末知襄州王田為言於朝得錢二十萬以葬

王綱字振冲其先自閩徙居穀城元符中進士通判徽州即改綬歸有寇自均房來綱曰吾去必殘吾鄉因具牛酒以待寇素聞其賢不忍犯人稱為長者舊通志

韓維宋史列傳字持國累官至太子少傅致仕轉少師紹聖中坐元祐黨降左朝議大夫謫崇信軍節度副使均州安置

米芾宋史列傳字元章吳人以母侍宣后藩邸舊恩召為書畫學博士賜對便殿上其子友仁所作楚山清曉圖擢禮部員外郎出知淮陽軍卒年四十九廣輿記芾寓居襄陽為文務奇險善書畫好古鐘鼎器皿法書子友仁仕至刑曹侍郎工書法人以大小米別之

會紘明一統志南豐人家襄陽博學善屬文號臨漢居士子思號懷峴居士亦能文俱有集行世

孟宗政明一統志絳州人父林從岳飛至棗陽因家焉餘詳人物志

元宋衡元史列傳潞州長子人善記誦年十七避地襄陽已而北歸至元五年大兵守襄陽趙壁行元帥府事

衛皆從焉軍事多所咨訪

〔明〕孔文英字世傑西化人從襄陽永樂辛丑進士令廬陵擢監察御史折黃岩大獄歷陞刑部左侍郎卒賜祭葬子宗寅宏因占籍舊通志

汪則清玉山舉人署棗陽諭十八年教授生徒留心學政陞任保畱之遂家焉

邊實江西人成化間任光化諭有文學不愧其職在任九年因畱不去

李夢陽字獻吉陝西人累官江西督學副使初寓居襄陽作漢濱及弔鸚鵡州雲夢等賦

歐陽照字文白廬陵人就兄慨讀書襄陽遂家焉後成進士令儀徵上官習為善地以不稱意調扶溝歷陞關西道有醒世名言先進遺風等書以上舊通志

鄭陽府

〔五代〕郭宗訓周世宗養子嗣立二年宋太祖初封鄭王遷於房州以辛文悅長者幼嘗師事之俾為房州守以防其變

〔宋〕趙廷美宋史魏悼王傳字文化本名光美太祖第四弟初封齊王進封秦王後趙普以廷美謫居西洛非便復教知開封府李符上言廷美不悔過怨望乞徙遠郡以防他變詔降為涪陵縣公房州安置

龔夬宋史列傳字彥和瀛州人進士第三僉書河陽判

官徽宗立召拜殿中侍御史論劾章惇蔡卞蔡京願考証其實以正姦臣之罪於是三人者皆去又上疏乞正元祐后冊位號及元符后不當並立書報聞已而元祐后冊再廢言者論央首尾建言詔削籍編管房州政和元年卒贈右諫議大夫

劉光祖宋史列傳字德修簡州陽安人仕爲起居郎趙汝愚既罷相韓侂胄擅朝遂目士大夫爲僞學逆黨禁錮之光祖撰涪州學記謂好惡出於一時是非定於萬世諫官張釜指爲謗訕奪職謫居房州

明母德純南充人任大理寺左丞嘉靖四年以議大禮落職戍房到日開館授徒討論文義如寒素士舊通志

周紹稷滇人襄王府紀善萬曆五年聘修郡志遂寓居焉

朱之蕃南錦衣衛人父朱衣任房縣生蕃於房後中狀元

曲中定州人由進士任南太僕寺以言事謫上津典史居官清苦母卒不能歸櫬遂寓居焉以上舊通志

直隸歸州

唐杜甫杜詩年譜大曆二年春遷居赤甲三月遷瀼西秋遷東屯未幾復自東屯歸瀼西

長沙府

周屈原甄烈湘中記屈潭之左玉笥山屈原之放棲於

明廣通志

卷之三十三

流寓

七

此山而作九歌焉

唐杜甫杜詩箋註甫大曆三年至江陵歲暮之岳陽明年之潭州五年夏入衡州登舟回櫂諸詩皆四年秋冬潭州詩也

裴休明一統志孟州濟源人乾符間由太子少保分司東都歷荆南節度鎮長沙因僑寓焉

朱葆光楚紀南陽人與唐舊臣顏蕘李燾輩挈家浮湘寓湘潭每元旦長至必整衣序立南嶽廟前南望悲憫殆二十年後燾北歸葆光築室衡山遂家焉

宋張栻元吳澄嶽麓書院記孟子以來聖學無傳曠千數百年之久而有周子生於湖廣之道州亞孔並顏又

百餘年而有廣漢張子家於潭開明千古之秘按栻後浚以觀文殿大學士判潭州遂判建康栻自寓居潭州城南築城南書院於妙高峯以居學者朱子如長沙訪問講中庸之義遂偕遊南嶽明一統志謂張浚寓居潭州者非也

呂祖謙字伯恭金華人嘗講學於醴陵後人立書院祀之見舊通志

鄧得遇明一統志邛州人徙居湘鄉累官靖江府元兵至得遇朝服南望拜辭遂沉於水

衡州府

南北朝宗少文宋書列傳少文南陽人高祖召為太尉

叅軍不就好山水愛遠遊西涉荆巫南登南嶽因結宇衡山欲懷尚平之志

劉凝之宋書列傳凝之南郡人父期公衡陽太守凝之慕老萊巖子陵爲人推家財與弟及兄子攜妻子隱居衡山之陽

唐杜甫唐書列傳甫字子美襄陽人大曆中出瞿塘下江陵泝沅湘以登衡山因客耒陽遊嶽祠大水遽至涉旬不得食縣令具舟迎之乃得還令嘗具牛炙白酒大醉一夕卒

李泌唐書列傳泌字長源魏八柱國弼六世孫徙居京兆七歲知爲文官廣平王行軍司馬崔圓李輔國疾之泌願隱衡山有詔給三品祿賜隱士服爲浴室廬

宋胡安國嶽麓志字康侯崇安人徙居長沙城南後提舉湖南學事倡明絕學以聖人爲標的行誼爲督課郡人感其化建書院於故居

胡寅宋史胡安國傳寅字明仲安國弟之子取而子之少桀黠父閉之空閣其上有雜木寅盡刻爲人形安國曰當有以移其心別置書數千卷於其上年餘寅悉成誦中宣和進士甲科除徽猷閣直學士提舉江州太平觀乞致仕遂歸衡山

胡宏宋史胡安國傳子宏字仁仲幼事楊時侯仲良而卒傳其父之學優游衡山下餘二十年玩心神明不舍

晝夜張栻師事之

元張埴字直翁宋進士其先青州人至元間避兵湘中
至耒陽家焉築書舍於鰲山以爲學者肄業之處

見舊通志

明雪溪子不知何許人工詩詞雅與劉三吾友善客於
鄱之常平鄉歷數年吟嘯山澤泊如也

湛若水增城人嘉靖中與武陵蔣信約自羅浮來隱衡
山遊南嶽至胡文定祠左道士曰此前衡嶽觀趾也鞠
爲茂草久矣遂定卜爲書堂爲終老計

以上舊通志

鄒守益三楚文獻錄安福人嘉靖中解官遊南嶽流寓
衡陽申濂溪無欲篇以示學者

羅洪先三楚文獻錄吉水人官左春坊贊善罷歸遊南
嶽過觀音巖有僧楚石者以所傳異人外丹授之拒不
受已而開書院倡明濂溪無欲之旨

永州府

漢司馬遷史記太史公自序遷生龍門耕牧河山之陽
年十歲則誦古文二十而南遊江淮上會稽探禹穴闢
九疑浮於沅湘

宋范純仁宋史列傳純仁字堯夫中皇祐進士第以觀
文殿大學士知潁昌府因上疏忤章惇貶武安軍節度
副使永州安置時疾失明聞命怡然就道每戒子翁母
得怨惇江行舟覆扶純仁出衣盡濕顧諸子口此豈章
惇爲之哉徽宗卽位遣中使至永賜茶藥

張浚宋史列傳浚字德遠漢州綿竹人紹興五年除右僕射同中書門下平章事七年分司西京居永州浚去國幾二十載天下士無賢不肖莫不傾心慕之武夫健將言浚者必咨嗟太息至兒童婦女亦知有張都督也

明羅朝貴廣東人僑萬寧遠南橋以草履爲業嘗於橋下得遺金而還之曰吾少聞湛尚書義利之辨心篤信之故不敢匿金 見舊通志

寶慶府

宋李安國明一統志熙寧間自洪都徙新化事母孝在位者以其性行彰著請入學教邑子弟所著有梅山老人集

岳州府

唐徐楚玉開元六年登第官至檢校工部尚書避祿山亂南遊豫章黃龍寺超慧禪師止之居平江建回台寺居焉同時隱者劉希烈劉謙光白琪陸善經李安甫 見舊通志

五代吳澄字元清婺源人以布衣召對稱旨明宗嘉納特授光州節度判官致仕隱居岳州穆家塘流連雲山之勝卜居於平江之田岩

吳璋先世居岢嵐州僖宗朝爲吏部尚書屢詆朱溫棄官隱平江之棲鳳鄉 以上舊通志

宋陳與義宋史列傳與義洛陽人政和三年上舍甲科

累遷太學博士高宗南遷避亂襄漢轉湖湘

康叔臨謝良佐高弟避地巴陵 見舊通志

劉寶明一統志岳飛將嘗從破楊么有功及飛遇害寶

遂散其部曲隱居華容東山

劉涓六合人早孤隨其祖部郎維則宦遊南北工詞賦

維則卒不能歸遂家臨湘 見舊通志

明阮居仁交趾東朝州人洪熙間知臨湘縣遷河南通

判以老乞歸宣德時棄交趾地凡交趾入中國者咸禁

之不許還遂家臨湘 見舊通志

常德府

宋柳拱辰明一統志青州人五季時避地荆楚遂為武

陵人精易春秋宋舉進士通判鄂岳州有惠愛後致政

歸武陵有歸老橋曾鞏作記弟應辰子平猷等皆相繼

擢第人號武陵五柳

邢繹楚紀其先鄭人父倬知鼎州因家焉繹倬襄與帥

爭疑獄因不仕起知興國軍秩滿歸武陵自號復庵居

士

杜昉明一統志通判密州建炎初寓居武陵會賊鍾相

亂脅使從已昉罵不絕口遂遇害

邵宏淵明一統志大名人寓武陵高宗時賊鍾相叛於

湖湘宏淵將兵擒其渠魁授鼎澧統領楊么犯州宏淵

擊敗之韓世忠薦授閣門中書舍人累立戰功仕至定

遠軍節度使

明王守仁餘姚人正德中謫龍場驛往來武陵寓潮音

閣與里中蔣信冀元亨講學於桃岡 見舊通志

辰州府

隋黃元儻豫章人長文學寓沅陵辰州刺史以女妻之

復薦其才以自代後棄官隱於縣西之羅山 見舊通志

唐段成式**楚紀**臨淄人文昌子博聞強記至辰州撰酉

陽雜俎

明蔡子長建寧人洪武中謫戍五開衛寓激浦鄧家坡

訓徒賦詩以自娛

宋昌裔唐州人善書畫洪武初寓沅陵人有得其墨蹟

者皆重之

鄒元標江西人寓辰州遊大酉鐘鼓洞畱連歌咏有詩

集

金堡仁和人明末避地於沅州之蒲溪橋寓村舍匾其

亭曰問月植松種蘭多所題咏

秦鉉丹陽人以御史左遷沅陵北溶驛丞後隱於縣之

龍山終焉 以上舊通志

直隸澧州

唐韋應物京兆人有寓居澧上寄張二舍人詩

宋范仲淹蘓州人幼孤從其母歸朱軫軾至安鄉仲淹

隨之稍長築室鶴江北讀書今日書臺

月廣通志

卷之七十三

流寓

三

王丙發字次字廣都人博學強記咸淳戊辰進士時賈似道專政累徵不就徙居慈利終隱焉以上舊通志

〔元〕曩秉彝明一統志蒙古人一名加台寓居澧州受學於瞿炳中湖廣鄉試第一舉進士授蘓州錄事官至河南叅政

王申子明一統志本印峽人隱居慈利註大易輯說春秋類傳

直隸郴州

〔唐〕韓愈韓愈集俟新命於衡陽費薪芻於館候空大庭以見處憩水木之幽茂輟行謀於俄頃見秋月之三啟

朱子考異公以貞元十九年出為陽山令過郴州識李使君二十一年公以順宗赦徙據江陵待命於郴

〔宋〕劉奉世宋史列傳奉世字仲馮啟子拜樞密直學士僉書院事紹聖間分司南京居郴州常云家世惟知事君內省不愧而已正須安以待之

直隸靖州

〔宋〕魏了翁宋史列傳了翁字華父邛州蒲江人以集英殿修撰知常德府朱瑞常劾了翁詔降靖州居住了翁至靖湖湘江浙之士不遠千里負書從學乃著九經要義

唐時字思經全州人由進士任澧州知州紹興間致仕歸里經會同縣值苗寇戒嚴遂家於此見舊通志

湖廣通志
卷之七十三

三

湖廣通志卷之七十三

